## Mwana-Kondoo wa Mungu Asiye na Doa

Akahesahiwa pamoja na hao wakosao. Walakini alichukua dhambi za watu wengi, Na kuwaombea wakosaji—Isaya 53:12b.

Takati wanafunzi Wake walipokuwa wakishindana kuwa ni nani atakayekuwa mkubwa katika ufalme uliahidiwa, Yeye alijivika kama mtumwa na kuiosha miguu ya wale waliomwita Bwana na Mwalimu.

Huduma Yake ilikuwa inakaribia kukamilika; Alikuwa na masomo machache zaidi ya kutoa. Na ili wasiweze kusahau kamwe unyenyekevu wa Mwana-Kondoo wa Mungu aliye safi na asiyekuwa na doa, yule aliye Dhabihu kuu na yenye ufanisi kwa ajili ya mwanadamu Alijinyenyekeza na kuwaosha wanafunzi Wake miguu. Itakusaidia ... kutafakari mara kwa mara matukio ya mwisho katika maisha ya Mkombozi wetu. Hapa, tukiwa tumezongwa na majaribu kama Alivyokuwa, sote tunaweza kujifunza masomo ya muhimu sana kwetu. Ingekuwa vyema kutumia saa moja kutafakari kila siku tukipitia upya maisha ya Yesu kutoka horini hadi Kalvari. Tunapaswa kulichukulia hatua kwa hatua na kuacha akili zipate kwa uwazi kila tukio, hasa yale ya mwisho ya maisha Yake ya duniani. Kwa kutafakari hivyo mafundisho na mateso Yake, na kafara isiyo kifani Aliyoifanya kwa ajili ya ukombozi wa jamii, tunaweza kuimarisha imani, kuhuisha upendo wetu, na kujazwa kwa kina zaidi na roho iliyomtegemeza Mwokozi wetu.

Ikiwa tunataka kuokolewa hatimaye lazima wote tujifunze fundisho la kujutia dhambi na imani chini ya msalaba. Yesu alipitia mateso na fedheha ili kutuokoa mbali fedheha ya milele. Alikubali dharau, dhihaka, na matusi vimwangukie Yeye ili atukinge. Ilikuwa ni uhalifu wetu uliokusanya pazia la giza juu ya nafsi Yake takatifu na kusababisha kilio kutoka Kwake, kama cha mtu aliyepigwa na kuachwa na Mungu. Alibeba huzuni zetu; alijawa na huzuni kwa ajili ya dhambi zetu. Alijitoa kuwa dhabihu kwa ajili ya dhambi, ili kwamba tuweze kuhesabiwa haki mbele za Mungu kupitia Kwake. Kila kitu chenye uadilifu na ukarimu ndani ya mwanadamu kitatoa mwitikio wa kumtafakari Yesu pale msalabani....

Hoja yenye nguvu mno ya msalaba itamfanya mwenye dhambi atubu. Upendo wa Mungu wa agape kwa watenda-dhambi, unaooneshwa katika zawadi ya Mwanawe kupata aibu na kifo ili waweze kuadilishwa na kupewa uzima wa milele, ni somo la maisha yote. Ninakusihi ujifunze upya kisa cha Yesu msalabani. Ikiwa wote wenye kiburi chote na majivuno, ambao mioyo yao inatamani kusifiwa na wanadamu na kutaka kutofautishwa na wanadamu wenzao, wangeweza kukadiria vyema thamani ya utukufu wa juu zaidi wa kidunia inavyotofautiana na thamani ya Mwana wa Mungu, aliyekataliwa, aliyedharauliwa, na kutemewa mate, na watu ambao alikuja ili kuwakomboa, jinsi gani itaonekana kutokuwa na thamani heshima yote ambayo mwanadamu anaweza kutoa....

Inahitaji juhudi ya daima, ya dhati, na uangalifu ili kukesha na kuitawala nafsi, ili kumfanya Yesu kuonekana na nafsi isionekane

(Testimonies for the Church 4:374-376).